

184  
20. okt.

## REGLUR

### fyrir félagsheimilið Breiðablik.

#### 1. gr.

Nafn félagsheimilisins er *Breiðablik* í Miklaholtshreppi, Hnappadalssýslu. Lóðin er leigð af Kristjáni Guðmundssyni bónda á Fáskrúðarbakka.

Lóðarstærð 20 000 fermetrar. Lóðin er afgirt á merkjum. Eigendur félagsheimilisins eru: Miklaholtshreppur, Kvenfélagið „Liljan“ og Íþróttafélag Miklaholtshrepps.

#### 2. gr.

Húsnefnd, kjörin árlega, stjórnar félagsheimilinu. Hún er þannig skipuð: 1 kosinn af hreppsnefnd, 1 kosinn af Kvenfélaginu „Liljan“, 1 kosinn af Íþróttafélagi Miklaholtshrepps og 2 kosnir af almennum hreppsfundi. Varamenn skulu kjörnir á sama hátt. Húsnefnd skiptir sjálf með sér verkum. Hún skal halda nákvæma gerðabók um störf sín. Ef félagsheimilið hættir störfum, skal afhenda Þjóðskjalasafni gerðabækur þess til vörzlu.

#### 3. gr.

Húsnefnd heldur fund er þurfa þykir. Skylt er henni að halda fund, ef  $\frac{1}{3}$  nefndarmanna æskja.

Aðalfundur eigenda félagsheimilisins skal vera ár hvert. Skulu þangað kvaddir með hæfilegum fyrirvara stjórnendur allra þeirra félaga, sem eru eigendur félagsheimilisins. Á fundinum skal húsnefndin leggja fram rekstrar- og efnahagsreikning félagsheimilisins fyrir síðastliðið ár, endurskoðaðan af endurskoðendum sveitar-sjóðsreikninga eða löggiltum endurskoðanda.

Eigi má efna til verulegra útgjalda, nema samþykkt hafi verið á aðalfundi eða aukafundi sömu aðila og sæti eiga á aðalfundi.

Reikninga skal bera undir atkvæði fundarmanna. Húsnefndarmenn hafa hver um sig eitt atkvæði á aðalfundi og hver félagsstjórn þrjú atkvæði. Félagstjórnir skýra frá því á aðalfundi, hvern þær hafa valið af sinni hálfu í húsnefnd næsta ár.

Afrit af ársreikningum félagsheimilisins skal senda félagsheimilassjóði.

Félagsheimilið skal rekið sem sjálfstæð stofnun með sérstöku reikningshaldi. Almanaksárið skal vera reikningsár þess.

#### 4. gr.

Aðalverkefni húsnefndar eru:

- a. að ráða húsverð, ef þess er þörf að dómi aðalfundar, setja honum starfsreglur og sjá um, að þeim sé fylgt;
- b. að ráða annað starfsfólk, ef aðalfundur telur nauðsynlegt. Leita skal um-sagnar húsvarðar um ráðningu starfsfólks, sem á að vinna undir hans stjórn;
- c. að ráðstafa félagsheimilinu til afnota fyrir eigendur og aðra;
- d. að ákveða gjöld fyrir afnot hússins;
- e. að annast kaup nauðsynlegra tækja og áhalda.
- f. að sjá um viðhald og endurbætur húseignar, húsbúnaðar og áhalda;
- g. að sjá um, að ræsting félagsheimilisins (húss og lóðar) sé jafnan í góðu lagi og að gætt sé ýtrasta hreinlætis í umgengni;
- h. að sjá um, að húsið sé hæfilega hitað og lýst;
- i. að sjá um, að löggæzla sé á samkomum, ef þess er þörf.

## 5. gr.

184

Eigendur félagsheimilisins skulu eins og aðrir greiða leigu fyrir afnot hússins. Skýlt er þeim að heimila félögum, er greinir í 1. gr. laga nr. 77 1947, um félagsheimili, innan sama byggðarlags afnot af húsinu gegn hæfilegu gjaldi, ef eigi fer í bága við eðlilega þörf eigenda sjálfra fyrir húsið. Verði ágreiningur um, hvort slíkt félag eigi rétt á afnotum af félagsheimili, sker fræðslumálastjóri úr. Úrskurði hans má skjóta til menntamálaráðuneytis.

20. okt.

## 6. gr.

Leiga fyrir afnot félagsheimilisins skal ákveðin svo há, að nægilegt fé fáist til þess að inna af hendi nauðsynleg gjöld, ef stofnuninni koma eigi aðrar tekjur.

## 7. gr.

Þess skal gætt, að húseignir, áhöld, húsbúnaður allur og fatnaður sé jafnan hæfilega váttryggt.

## 8. gr.

Félag, er samkomu heldur í félagsheimilinu, skal hafa þar gæzlumann af sinni hálfu. Ef húsvörður er enginn eða eigi við, þegar samkomu lýkur, skal gæzlu- maður slökkva ljós, ganga örugglega frá hitunartækjum, opna loftræstingarop, koma húsbúnaði og áhöldum á sinn stað, koma óskilamunum í örugga vörzlu og loks loka vel gluggum og hurðum.

## 9. gr.

Að lokinni hverri notkun félagsheimilisins skal húsvörður eða húsnefnd sjá um ræstingu þess, þ. á m. að gólf séu þvegin úr sápuvatni, salerni hreinsuð vandlega með sótthreinsandi efni og fatageymslur, bað og búningsherbergi ræst.

## 10. gr.

Ganga skal þannig frá lóðinni umhverfis félagsheimilið, að auðvelt sé að halda henni snyrtilegri, og skal húsvörður eða húsnefnd sjá um, að hún sé jafnan vel hirt. Lóðin er girt traustri, gripheldri girðingu og skal henni haldið vel við. Bifreiðastæði er í námunda við félagsheimilið.

## 11. gr.

Fánastöng er komið fyrir á húsinu. Hún skal vera traustlega fest og máluð hvít. Húnn og snerill mega vera í öðrum lit. Fánasnúra skal ávallt vera heil. — Stöngin skal vera í tveim hlutum, þannig að auðvelt sé að fella hana, t. d. ef skipta þarf um snúru eða mála stöngina. Þess skal vandlega gætt, að nota einungis fána með réttum litum og hlutföllum.

## 12. gr.

Árlega skal athuga húseignina alla vandlega með viðgerð fyrir augum. Einkum skal athuga: Múrhúðun, þak, þakrennur, niðurföll, hurðir og dyraumbúnaði, glugga (utan og innan), málningu, gólfduka, klæðningu veggja, vatnslögn og krana, gluggatjöld, leiksviðstjöld, gólf í samkomusal o. s. frv.

## 13. gr.

Skemmdir á húseign, áhöldum og húsbúnaði umfram eðlilegt slit skulu þeir bæta, er spjöllum valda. Ber sá ábyrgð á greiðslu, sem húsið hefur á leigu, ef ekki er sannað hver einstaklingur er valdur að spjöllum.

184  
20. okt.

14. gr.

Í félagsheimilinu má hvorki veita áfengi né neyta þess. Húsnefnd getur svipt þá, er gegn þessu brjóta, aðgangi að félagsheimilinu tiltekinn tíma.

Reglur þessar, sem stjórn félagsheimilisins Breiðablik hefur samið og samþykkt, staðfestast hér með samkvæmt 8. gr. laga nr. 77 5. júní 1947, um félagsheimili, til þess að öðlast þegar gildi, og birtast til eftirbreytni öllum þeim, sem hlut eiga að máli.

*Í menntamálaráðuneytinu, 20. október 1951.*

F. h. r.

Birgir Thorlacius.

Sigurður J. Briem.185  
22. okt.**REGLUGERÐ**

um breyting á reglugerð nr. 11 18. janúar 1947 um innheimtu iðgjalda o. fl. samkv. lögum nr. 50 1946, um almannatryggingar.

2. gr. reglugerðarinnar orðist svo:

Tryggingaskyldir samkvæmt 1. tölulið 1. gr. eru allir íslenskir ríkisborgarar, 16—67 ára, og skulu þeir greiða iðgjöld til tryggingasjóðs, sem hér segir:

a. Kvæntir karlar:

Á 1. verðlagssvæði .....	kr. 390.00
Á 2. — .....	— 310.00

b. Ókvæntir karlar:

Á 1. verðlagssvæði .....	kr. 350.00
Á 2. — .....	— 280.00

c. Ógiftar konur:

Á 1. verðlagssvæði .....	kr. 260.00
Á 2. — .....	— 210.00

Þeir launþegar og einyrkjar, sem ekki ber að greiða tekjuskatt né eignarskatt, og notið hafa bóta samkvæmt II. kafla tryggingalaganna 2 mánuði eða lengur, eða dvalizt í sjúkrahúsi eða hæli á kostnað trygginganna jafnlangan tíma á skattárinu, eru undanþegnir iðgjaldagreiðslum. Í þessu sambandi telst þó eigi bótaþegi sá, sem aðeins hefur notið fjölskyldubóta samkvæmt 30. gr. tryggingalaganna. Nú eru þeir, sem um ræðir í næsta málslið hér á undan, skattskyldir, en skattskyldar tekjur þeirra nema ekki tvöfaldri upphæð iðgjaldsins og eru þeir þá undanþegnir þeim hluta þess, sem er umfram 50% af skattskyldum tekjum þeirra.

Ef annað hjóna er ekki gjaldskyld til almannatrygginganna, en hitt er gjaldskyld, reiknast gjald hins, eins og það væri ógift.

Tryggingaráð getur með einróma ákvörðun veitt undanþágu frá iðgjaldagreiðslum, sbr. 110. gr. tryggingalaganna.

3. gr. reglugerðarinnar orðist svo:

Hinir tryggðu skulu greiða sjálfir iðgjöld sín samkv. 2. gr., þó með þeim undantekningum, er hér segir: